

摛藻堂四庫全書薈要

集部

欽定四庫全書叢要

集部

震澤集卷九至十一



詳校官候補通政司經歷臣郭祚熾

欽定四庫全書會要卷一萬六千八百二十五

集部

震澤集卷九

明 王鏊 撰

聯句

昌平道中大風聯句

夜聞海潮聲

寬

大地洶若動敗葉俄填坑

鳌

頑雲總歸

洞噏吆萬竅呼

寬

凜冽百泉凍野曠鳴枯桑

鳌

原低偃

長葑陰蘿接混茫

寬

噫氣來空慄冷助玄冥威

鳌

狂招

韓愈訟雷蟲號令嚴天轉機軸空易水仍蕭蕭

寬

燕山

殊費費不知怒何為

鑿

所喜散堪用倏往捕亦難逆來

受須共

寬

有時稍紓徐忽地還放縱再作疑催詩

鑿

橫

奔驚失鞍卑飛寧墮鳶彎卧早藏蝶

寬

沙漠號狐狸岐

山噤鸞鳳披襟誰敢當

鑿

落帽衆相哄點也妨詠歸盧

其憂病中

寬

遠應經土囊細或入石縫昧日塵簸糠

鑿

拂鬚冰織綜迸裂沙成河盤旋城抵甕

寬

星好怪維箕

鷁飛書乃宋拔木周籥緘

鑿

揚波越裳貢漢歌懷沛臺

楚賦想雲夢

寬

廬舍遭傾摧陵園起哀慟前瞻巧趨蹠

鑒

後逐遙餓送歷塊勢尤顛下坡力如壅

寬

八極御可

游五湖桴莫從先登貢育雄

鑒

鏖戰鄒魯閩胡馬依北

嘶鯢魚徒南肛天工無乃勞

寬

吾意因爾諷愧乏吉甫

才穆如難繼頌

鑒

陽山大石聯句

峻極惟崧高嘗聞吉甫誦

寅

石令者何為勢若與之共

偶來試春衣斁爾解塵鞋

鑒

登原路屢迴入門樹寧漪

寅

疊處壁言為山呀然忽成洞

鑿

橫陳類涅槃分峙譬翁

仲

寅

啾啾猿度悲貼貼鳥飛恐

鑿

躍治祥金流黝聖

鐵凍

寅

化工孰燃爐氣機潛理綜

鑿

一整還一散誰迎

復誰送

寅

陽山劃中開虎阜凜旁從

鑿

靈壁豈同儕歧

陽真異種

寅

仰窺天闕低側壓坤維重

鑿

蹲猊怒將齧

奔馬猛難控

寅

有並若肩隨或分如鬪訟

鑿

龍象整法

筵鼴鼯失家術

寅

鑿須神禹功煉待媯皇用巖巖挹孟

軻侃侃立子貢洲邊樓碎搘江上城卧甕

鑿

憑焉或言

晉碑爾脩賓宋

寅

五丁安能驅百神互相奉

鑿

負戴賴

鯢鯨點化謝鉉秉

寅

支傾力已疲任大材堪中

鑿

攫等

鬼亦驚秀傑天所縱

寅

好事來重尋佳句時一諷

鑿

寧

能辭脚繭且得愈頭痛

寅

秦禪偶遺吳漢封當始雍

鑿

扛非九鼎雄富比八珍供

鑿

咄叱起老瓶搏拊來儀鳳

寅

太湖隱見微遠山朝挹衆沈船露危檣敗屋橫折棟

苔古積成衣藤枯倒穿縫聳屨下倒懸嵌空旁或擁凌  
兢步難移瑟縮心屢動慢亭危冠顛梵宇巧補空舉酒

欲浩歌援琴時一弄雲生殿閣浮風發鐘磬磅上帝關  
九重下界市一闕目中無全吳曾次有雲夢便當結幽廬  
採擷當月俸鑿

石湖阻冰聯句

西首戀松楸扁舟乘曉發行行抵斯湖鑿望望指巨缺

層冰塞長河流澌截輕筏鑿大塊噫餘威玄冥令仍冽

帆集比魚鱗岝崿龍骨鑿人斷越城橋鴈杳堯峯靨

嗟峨峙玉山璀璨恍銀闕或碎若彫鏤鑿或銛如斧

鑿

鍼或垂如玉釵或拄若象笏

鑿

足欹莫支鵬背負如

閑

銓

造煩魯遽工解倩師襄掣夏蟲語應疑

鑿

宵狐涉

還歇戒自履霜初

銓

藏宜凌陰節山腰助碔砑澤腹增

嶺

鑿

上下眩坤乾東西混吳粵王祥鯉莫持

鑿

益宗

筭堪掘國忠信難倚靈均未須澁

鑿

進如狼跋胡行乃

車無旣舟子立招招

銓

行人憂忽忽一葦那能航五丁

未渠伐

鑿

飛渡諒斯難來歸怪時咄况當陽生辰正值

春王月誰乘浮海桴

鑿

莫借凌波鞶行止豈偶然聊歌

記顛跋

銓

除夕喜雪聯句

忽忽歲云除紛紛雪仍積

銓

玉樓凍鱗皴紅爐光歛赫

瀟瀟瀉竹聲燦燦映空色

銓

勢欲減鎔明威能消酒

力 纏看擁庭除斗覺推屋脊

銓

林風助飄颻簷溜增

浙瀝 戰陳驚六花農家驗三白

銓

已見散成杯還憂

大如席

銓

帳憶党家斟履存東郭跡撒鹽我何才授簡

君誰敵

銓

端木夜仍飛靈蓂晦全易遙思大廷賀誰問

窮簷喟  
鑒把酒待新春題詩永今夕

鑑

石湖聯句  
與師召

茲地屢經行孤亭坐寥闊今來悚具瞻畫棟映轡鶴久  
聞玉川史新表石湖薛緬懷文穆公弗翦越城芟穹廬  
受書爭勁氣凜莫效岷峨開府議高標貌誰剗阜陵借  
襯貢益國推挺拔天鏡閣澄泓玉雪坡逢杵甫辭狼胡  
寔尚說虎須將因人地逾重懷古心尤渴歲事薦蘋蘩  
登庸紹衣鉢鄉里重衣冠邦君事袒割君功已奏成我

冗敢辭撥方愁積潦深忽見陰霾豁天公如有待我興  
其可閑舟借花邊維道屏松下喝未獲從駿奔猶幸瞻  
屢萬山僧具策裝田笠雜緬撮展席俯清冷開園擷芳  
辣野坐廁漁樵叢談參毳褐呦鹿杳不聞游儻澑堪掇  
盟與沙鷗親吟免山禪脣陳跡俯頽垣流芳仰先達五  
湖勝全供三峽恐始脫帆影遠若凝波光澹如酸石梁  
卧湖心浮屠見林末高歌和滄浪清夢渺黃闌倡酬忘  
詮次今古籍囊括歸帆指西日天際雲一抹

第三泉亭聯句

鑿開孤嶂一痕青

濟之

洞勺還來漱玉亭

東之

霜落丹

楓秋欲老

玄敬

池涵寶劍氣無腥

濟之

煎從桑苧傳三

昧飲對離騷喜獸醒却怪又新多浪語

濟之

獸於揚子

詫中冷

玄敬

近體樂府

壽徐少傅二首

今日是何日六日中元過未久人言此際每生賢薺公

在前公在後不知麒麟天上有種無抱送千年還姓徐  
天生賢俊固有意風骨自與凡人殊宛如明月出海底  
側射萬頃澄波湖木天瀛海人莫到十年讀盡中秘書  
朝承密旨暮賜宴一時恩寵誰能如經筵手持五色線  
要補山龍華蟲黼黻之華裾今日芻蕘有語煩聽取願  
公一日登台輔漢丙魏唐房杜宋司馬歐韓范富願公  
事業與此數公者爭先驅然後歸作睢陽五老圖  
自昔君臣信際會風雲有數看聖節纔過又值生申初

度金鼎調元親手付十年海內歸陶鑄聽童謠好個太  
平朝賢宰輔量韓琦身襄度勲丙魏謀房杜稱躋衣玉  
帶日承恩注特免常朝朝罷入平章軍國中書務行年  
七十轉精神無求去

滿江紅

六十初度自壽四首

正德己巳八月十七日予六十初度之辰時歸自內

閣醉填四詞

今日是生時滿座親知都來上壽把金卮百歲人生今

過半好共開眉玉帶桂花枝醉墨淋漓世間名利不關  
伊況復功成名遂了不樂何為

浪淘沙

行年六十鬢爛編皇恩特放還高堂設席對青山秋來  
正未閒陰忽霽暑新寒笙歌夜未闌傍人莫笑老嗤頑  
人生到此難

阮郎歸

寶月天邊光未缺昨宵纔過中秋節大官酒饌年年設  
今年別壽筵開處依林樾碧水丹山常夢說如今總在  
門前列舞妙詞新聲激烈歌一闋金樽滿泛清秋月

漁家傲

紫閣黃扉蟒衣玉帶功名至此人人愛挂冠一日賦歸  
來閒情又在功名外明月逍遙白雲自在別是人間閒  
世界起來把酒醉青山年年與汝常相會

踏莎行

賀林家宰二首

盜弄朝權羣佞爭趨走欲顛蠅蟻紛紛何所慕腥羶一  
疏真能障百川宇宙名懸晚節完歸更覺賢過眼浮華  
何所似雲煙青史他時好細編

南鄉子

天運終還皇圖孔厚一朝公道明如晝冰山忽倒倩誰

扶誅流竄殛嗟何咎公秩仍遷公名逾茂閩山閩水增  
清秀吳儂稽首向邦君一樽遙上南山壽跋莎行

六十三初度君謙以詩為壽和之

懸弧又誕朝六十三年鹿覆蕉勲名紫閣高起何遲歸  
獨早玉堂近日無宣召且是山中卧得牢治如虞聖如  
堯洗耳還容由與巢一封書

且作山中宰相依然玉帶蟒繡為袍扁舟范蠡去迢迢  
五湖煙景無人要金庭玉柱傲彼伊臯清風明月卑他

管蕭洞天福地誰曾到

皂羅

鎮日逍遙過去韶華不可招幸有還丹大藥絕勝鹽梅  
金鼎和調百年過半總勞勞奔名逐利何時了慨彼時  
豪東門黃犬徒增煩惱駐馬聽

古來富貴誰長保早是抽身好裴相午橋莊疏傅都門  
道到如今尚瞻高節操清江引

吳惟謙同年壽詞

投簪前日懸弧今旦節值中秋剛半玉山回首升沈眼

見多般幸有丹崖翠壑明月清風天與吾人管任他榮  
貴也且高眠無喜無憂便是僊攀桂侶曲江宴看英雄  
三百紛消散年七十幾人健

過太湖

東山如畫西山如黛七十峯巒映帶白銀堆裏分明湧  
出樓臺最喜微風不起明月高懸萬項玻璃碎始知世  
上也有蓬萊濯足船頭好快哉笳鼓闌管絃沸看畫船  
搖曳人初醉千載後定誰繼

賀秉之授經府

秉之弟積學力行而困於數奇正德十年六月蒙恩特授古杭經府之銜有其榮而無其勞予因填近詞一闋為賀

山林岑寂官曹喧鬧吏隱中間最妙聖恩隆重天書一紙親教管領西湖風月南國煙霞儘與舒吟嘯清朝鶴鷺伯摠賢勞輸與伊人一着高蓮幕俊玉堂老宴高樓日日笙歌繞塵世夢幾人覺

梁州

序

震澤集卷九

欽定四庫全書會要卷一萬六千八百二十六

集部

震澤集卷十

明 王鏊 撰

序

東原詩集序

東原先生杜氏諱瓊字用嘉家吳城之樂圃里孝友退讓為鄉人表率於省同志則有陳先生孟賢二人皆好為詩孟賢詩清婉有風致先生特沈着高古間喜畫山

水人物故其詩於評畫尤深也詩多散佚不傳其子長垣尹啓獨得八冊以授予予為選定仍附襍著若干篇于後序之曰先生其隱者與昔之隱者姓名邑里影響昧昧惟恐聞於人若詩則有不能自己者而陸魯望魏野林逋尤喜為詩其於世之興衰理亂毀譽得失榮辱進退一切抹殺而獨翫志於煙雲泉石之間其詞冲澹幽深而其名特焜耀在人者蓋世方卓行之為賢而夫人物高標揭已以警動流俗萬乘詣而不見千金召而

不屈其蹟竒其聲烜赫而流於人人世謂今之世無隱士是果然與蓋有之矣而世惟科目是崇是長外是有皆濱不用言竒者得疑行異者來謗雖有隱者不得而知則遂曰無亦宜也其果然哉予猶及見先生及孟賢深衣幅巾曳杖履革所至人望之若綺皓郡將縣大夫延禮賓致恐後縉紳之行過吳下者必造請其廬二先生死吳中耆舊亦益哀世之知者益鮮知之者顧猶以其詩也而東原之詩亦復止此然平生大畧具焉讀

其詞考其世得其所以為人於戲豈非所謂遜世無間  
之君子與樂圃里在吳城西其東有原焉故世稱東原  
先生先生好着鹿皮冠故又稱鹿冠道人

送劉世熙任四川僉憲序

弘治二年蜀中旱饑巡撫右僉都御史丘鼐言蜀以富  
饒稱前代迄今地非異也蓋人事未脩焉耳竊見成都  
有都江大堰鑿自秦守李冰所溉郫灌溫江崇寧雙流  
崇慶新津新都眉州彭山沃野數千萬頃其後豪家稍

規小利堰流曲坊水失故道蜀人始病於旱臣嘗按行  
地勢自非高山皆可治陂塘堤堰旱則灌澇則泄為蜀  
人無窮之利今山東湖江南直隸皆設官治水利蓋任  
之專則宜有成功於是詔刑部員外郎姑蘇劉君世熙  
陞按察僉事以往吾於君之行獨有感也往時關中大  
饑人相食於是陸輦荆襄水漕汴渭百方拯之而秦人  
死者過半矣夫秦天下彊國也秦時豈必無旱旱而無  
救天下且起而攻之則秦之亡久矣蓋當時井田雖廢

溝洫尚存而鄭國渠秦所賴以富彊其後鄭當昔兒寬  
白公皆嘗為渠至於今廢久矣其遺跡亦往往有存焉  
因而浚之其功宜易而議者輒以為不可復也往年予  
居吳吳有白茆港者三吳之水由以入海海潮日至淤  
為沃壤民遂占為田或廬其上於是吳中多水患議者  
以白茆一濱三州均利迄今百年未聞有任其事蓋有  
任其事者而浮議輒興行且復止夫欲享其利則安得  
辭其勞欲有其功則安得辭其謗於戲天下之事其率

類此乎此吾之所感也請以為君贈

贈毛給事序

貞甫拜南京給事問於翰林王鏊曰珵是行也衆皆華之而私心有不然今天下生民之利害休戚百官之賢佞功過乘輿之舉措賞罰職皆得言而或有不容盡言言之有不能盡行吾其若之何患其不可行而不言則曠不顧其不可行而言人將以為近名子親且舊其有以語我來鏊起謝曰語有之庖人雖不治庖戶祝不越

樽俎而代之鑿也何敢及是然嘗聞之為人臣者患不能  
諫不患諫之不從自昔人君之受諫必曰唐太宗夫豈  
獨太宗亦魏徵之善諫有以啓之也然則諫而獲譴豈  
必其君之過哉夫諫有體有宜有文有信理有迴護無  
損乎其大之謂體審緩急先後見可而言之謂宜言足  
以發其意之所至之謂文文不浮乎其事之實之謂信  
諫有體有宜有文有信而存乎已者有直是諫之成也  
夫事有不期理有相感鄰翁以築牆見疑去婦以東溫

自復趙太后之遣質子羣臣諫之而怒觸龍諫之而喜  
秦皇之遷母后七十人諫之而怒茅焦諫之而喜楚王  
之築層臺七十二人諫之而怒諸御已諫之而喜漢高  
之易儲叔孫通諸人爭之不能得子房不爭而意已回  
矣然則諫之道其亦可知也已易曰遇主于巷又曰納  
約自牖請以是贈或曰古之君臣周旋乎一堂之上從  
容風議言所未及而意已移者有之矣後世異是而南  
京又在千里之外若之何其以是告曰今之爲文也猶

昔之為言也

送廣東參政徐君序

始吾蘇之仕於京者有文字會翰林則今少詹吳學士海虞李學士及鑿為三人其外則有若陳給事玉汝周御醫原已徐武選仲山而時至出入者則有若趙刑部宋夫源進士希說朱天昭氏楊君謙氏毛貞甫氏陸全卿氏少詹有園曰一鶴亭曰玉延菴曰海月李有祿隱園陳有半舫齋周有傳菊軒武選有超勝樓予家有小

適園花時月夕公退輒相過從燕集賦詩或聯句或分題詠物有倡斯和角麗搜奇往往聯為大卷傳播中外風流文雅他邦鮮儂予數人者未嘗不喜其合侈其盛而獨意其難久也頃之栗夫徙家城西蹟稍隔希說除刑部原已擢院判貞甫工科給事前後之南京而原已希說相繼物故君謙旋以病去其後玉汝擢大理丞全卿為御史亦徙而西天昭以御史出按廣東獨予三人者如故俄而李學士拜南京祭酒亦去今年春陳與陸

一日去今茲君又去焉自壬寅歲予再至京師迄今十  
有二年耳何人事之好乖仕途之多虞也豈物理聚散  
夫固如是耶其亦有可慨者也君與予同年進士在武  
選能舉其職學亦不廢為人慎密有守茲行衆咸賀廣  
藩得人而吾黨獨惜其去也吾黨交游則固相扳以義  
相觀以學相許以事功而相期以終始也其志甚壯顧  
獨區區燕游聚散之間哉君行矣見吾黨之士其以是  
語之雖然亦烏知其終不有合也

應天府鄉試錄序

弘治五年七月戊寅上命右諭德臣鑒洗馬臣傑考應  
天府鄉試壬午陞辭八月癸卯抵府治乙巳燕府治遂  
入鎖院時士之就試者二千三百餘人三試之如故事  
而加嚴別去取差高下手披目閱口誦心維晝夜罔懈  
自己己迄丙寅凡二十二日揭榜得士凡一百三十五  
人第其姓名及文之可錄者為一編以獻臣鑒謹序其  
首曰人才盛衰係乎時者也禹貢揚州田維下下周禮

東南不在五服列春秋之初不見於經晉宋以來東南人物始見於載籍百年來地與時升運隨世轉東南財賦遂甲天下而人才隨之蓋自唐中葉則然至我太祖遂起南服以混一海內東南諸郡進為畿甸天地氣化之潛儲聖神治化之首被往往稱雄於天下者不獨財賦而已也治道之升降觀於人才知之人才之盛衰觀於文章知之三代之文見於經者至矣漢之文盛於武宣之世唐盛於元和宋盛於嘉祐治平間蓋皆立國百

年海寓寧謐人興於文則有若董仲舒司馬遷相如韓  
愈柳宗元歐陽脩蘇軾曾鞏異人間出雖不能無高下  
純駁而能各成一家之言聳一代之盛今天下承平百  
二十五年干戈罷戢禮樂洽敷易所謂聖人久於其道  
而天下化成茲其時乎宜亦有異才焉出於其間顧臣  
淺陋恐不能盡識惴惴焉無以稱明詔委任是懼然所  
謂公無私者臣不妄竊以為近之場屋提調則府尹臣  
瑩府丞臣綺同考試則教授臣珙臣詠臣寧學正臣緯

臣章敘諭臣思忠訓導臣傑監試則監察御史臣鸞臣立之

送毛檢討歸省序

方今仁聖在御側身思治求言舉才宵旰汲汲百官庶僚奔走祇命劬躬瘁職夙夜無敢怠遑翰林日侍宥密地親秩高自紀載備顧問外迺若無事其職甚重也而若緩也甚繁也而若適也國朝之制凡仕於朝者三年得歸省其後十年迺得歸近例六年得歸蓋所以憫其

私息其勞酌其中而教之孝也教之孝所以勸之忠也  
東萊毛君維之少發解山東第一登丁未進士改翰林  
庶吉士授檢討至是維之與其父母別六年餘矣乞告  
來寧有詔賜可維之之職蓋所謂甚重也而若緩也者  
甚繁也而若適也者君知其重且繁也則定省之隙其  
得久徜徉於東海之濱乎館閣元老而下咸賦詩以華  
其行鑒序之

送劉學諭之魯山序

天下治亂繫人才之高下人才高下學校實為之學校  
之興廢又在儒師之得人與不得人則儒師之重明也  
而世之人往往莫知其為重惟當道者思風化本原必  
欲得才賢而任之而士終莫之信當道者曰此朝廷之  
所重也為士者曰此世俗之所輕也當道者固以為重  
而士固以為輕當道者必欲授為士者必不肯受豈當  
道之所重顧不若世俗之所重耶無亦當道者有重之  
名重之實未至耶今夫聞有知一縣而良者焉則召入

矣有知一州而良者焉則召入矣有教一縣一州而良者焉則吾未之聞也豈其才果必不如彼耶則何怪士之有所輕重耶前數十年蓋有自是為御史者矣祖宗之世有自是為翰林者矣而近世名臣有若楊文貞有若魏文靖有若年尚書多出其間而謂今之世無其人耶故曰重之實未至也安成劉君錫玉登己酉鄉薦今年會試在乙榜儕輩汲汲求脫君獨不然得河南魯山縣學諭怡然以往是豈為世俗所輕重者耶今朝廷開

再試之科立顯陟之條所謂重之實安知不自今始也  
而魯山民俗樸茂以君之才賢模範而陶鑄之必有顯  
蹟視偶得甲科而終無猷為者孰多乎又况有兼得者  
耶君行矣

送陳宗理知永定序

今之為縣而良者固多進士而上之人亦固異之有善  
馬旌之擢之有過馬揜覆之曰彼其進士也有善焉以  
為是固然有過焉從而糾摘之或去之矣曰彼非進士

也進士而重固也有人焉其才進士也其行進士也其名非也若是者其亦重否耶宗理吾友也相知誠深矣其為人吾能言之其經學有師法其臨事開敏潔然不苟者也吾官京師久若吾宗理者乎雖進士蓋鮮也定小邑也其為之殆易易焉耳顧今之當道有知而異之者乎無也或曰定小邑也地絕荒遠椎埋剽斂之奸往往而聚急之則亂緩之則滋蔓顧曰易易焉何也語云雖蠻貊之邦行矣定雖遠固猶中夏哉奚其不可行也

民之為亂上驅之也使刑獄平賦稅節約來明信義立  
欲為亂乎誰與者反是則齊魯之人獨得保其不為盜  
也定之連亂也亦其民之不幸也已而不值有司之良  
君之行吾故為一言以慶定之人自是其有瘳乎又以  
告閩之當道庶知所部有若人焉非科目所可概而四  
海之大當復不止吾宗理而已也

送姜太守改任寧波序

姜侯恒頫初守河南上疏曰臣母老矣願乞江淛間一

郡自効且以便臣之私不報會述職至京復上曰臣母老矣願乞近郡以便養時寧波缺守詔以畀之於是朝之士夫莫不侈上之仁嘉侯之孝俟喜得守其太夫人寧波喜得賢守而河南之人迺獨惜其去也於是寧波之仕于朝者求予言為贈噫守令之難也頃予還南歷數十郡縣入其疆其六事舉者蓋少也獨得三四人焉耳三四人外蓋有環數城而不聞善政者何其難也三四人者其政赫然有聞刑獄減賦稅集斯已矣其誠心撫

字如古之循吏蓋無有也閩郡之所利一人以為難焉  
憚而不行者有矣閩郡之所害一人以為難焉憚而不  
去者有矣故曰如古之循吏蓋無有也又况先王之世  
所以治之教之者哉姜侯純孝人也廉平豈弟固已飫  
於河南其知寧波也無亦自是而推之乎使一郡之老  
者無失其為老也幼者無失其為幼也是所謂循吏也  
乎是孝之大者矣孟子曰老吾老以及人之老幼吾幼  
以及人之幼請以是贈

鄉試同年會序

出處得失存亡聚散之際君子不能無感乎爾也成化甲午南畿鄉試同上者一百三十五人今年為弘治甲寅官京師者六人焉三人者至自外九人而已何其少也可謂難也已時序清和王事多間鑒則諗於衆曰自唐宋以來有所謂同年交令之世尤重之居相狎也仕相援也今鄉榜非同年歟顧曷為遺之衆曰然始謀為鄉同年會庚辰會午城之西垣六人者為主甲申會玉

河之西堤三人者為主契誼參合形蹟俱忘六博投壺  
浮白相屬和不至釀醉不至亂衆謂是會不可不誌遂  
分韻為詩而屬予序於予歲月易邁人事難齊良會不  
偶予不能無感乎其初而有懷乎其後也遂相與訂盟  
焉歲一為會而自茲會者始六人者雲間顧惟庸時為  
大理司務錫山莫曰良駕部員外郎吳江葉文粹中書  
舍人宜興宗廷威戶部郎中雲間朱汝承工部員外郎  
鍊石春坊諭德三人者崑山張濟民同知南昌海虞周

民則同知袁州以考績至歙縣洪克毅知交河以御史  
徵方為之

### 王氏家譜序

王於姓最蕃而其出不同

姓苑有姬姓之王姬姓之王又  
有虜姓之王

自舜

後封陳王齊齊滅世號王家此吾王姓之始其後遷於

鄉邪望於太原蔓於山陰而家於震澤之洞庭山則自

宋南渡徙焉亦莫詳其所始於戲宗法廢天下無昭穆

矣其猶有譜牒焉譜牒廢人忘其先矣人忘其先而天

下無孝矣今夫開先受姓其來遠矣世之人有能知其所自者乎今委巷之人三世以前希不懵焉耳夫士也十世以前希不懵焉耳夫為人之子孫而不知其祖為人之祖而不知於其子孫非大不幸耶則譜之作其可緩哉夫譜何為者也物莫不有所始有所分自吾而遡之為考為祖為曾為高以至於無窮其始也始者常患於汨而難稽自吾而推之為期為總為袒免為無服其分也分者常患於散而無統君子由是而泝之泝之而

上必有本也故尊祖尊祖教民孝也由是而推之推之  
而遠必有分也故合族合族教民睦也譜其為是作乎  
王自受姓顯者寔多晉宋尤盛不書紀信也始百八尊  
所出也疏以五支小宗之遺意也於戲王為巨姓自百  
八以來雖未聞有甚顯焉者而世以忠厚相承山人指  
為忠厚王家識者謂其後將大也其果然乎吾庶幾見  
之而忠厚一脉綿綿延延則王氏相傳之心法也要不  
可泯焉吾子孫其尚世守之

送都水員外郎傅君序

人之才其各有宜也精神折衝文詞華國則於儒宜擴  
撫廣遯會較羸縮則於史宜夫孔子非儒乎曰會計當  
而已矣牛羊遂而已矣而周禮一書理財且居其半易  
曰理財正辭禁民為非曰義義非儒者事乎而諉之不  
預也顧有所輕重焉耳然則曷為重重國乎則傷民重  
民乎則國用不足二者宜之難非儒者其孰能知之水  
部員外郎傅君曰會將視竹木政於荆門州君為今春

官少宗伯先生弟詩詞之清峻字畫之遒美人皆曰稱  
其為春官之弟也而使之當商賈筭緝之間然君優為  
之曰孰非儒者事也而避之所謂輕重羸縮之間君其  
知之矣予聞古之君子將有為於天下也則於近者小  
者焉不敢忽故陳獻侯之相業肇於杜肉韓魏公之器  
度見於筦庫陶士衡之綜理見於竹頭木屑之間君往  
哉吾將以是覘君矣

震澤集卷十

欽定四庫全書  
薈要卷一萬六千八百二十七

集部

震澤集卷十一

明 王鏊 撰

序

會試錄後序

丙辰

會試錄者錄會試之程文士之中式洎百執事之姓名  
登諸天府傳之天下者也國家取士鄉簡其秀儲之學  
三歲大比則兩畿十三省之士各萃於所司所司者三

試之又簡其秀以上禮部禮部以聞合兩畿十三省前後所貢三試之又簡其秀以獻天子臨軒親策之定其高下則謂之進士進士之選今日之所甚重焉者也歷代用人有明經賢良孝廉博學宏辭諸科而進士為重至我朝又加重焉館閣之選於是焉取之臺省寺院於是焉取之方岳郡縣於是焉取之不由是者不謂之正途百餘年來名臣碩輔端貞鯁亮聲蹟蔚然昭焯中外者必進士也即非焉十百之一耳其頑頓選與以欲縱

敗官者必非進士也即有焉亦十百之一耳國家得人  
於斯為盛士一登是錄則進而累為公卿大夫者往往  
有之可不謂重乎然君子之所重不在於是君子之學  
其施為本末先後有定見矣其仕也以是措之云耳故  
曰幼而學之壯而欲行之若曰既登進士矣棄所學如  
弁髦是豈今日取士之意而亦安在其為重也世稱人  
才必曰虞周虞周尚矣自有科第以來唐以韓愈榜為  
盛宋以寇準榜得人為多至今傳之以為美談今日所

取其亦有若人者乎夫文章如愈勲業如準可謂盛矣而  
又進焉豈非主司之所望哉臣承乏試事大懼無以  
稱塞明詔敬以是為諸士勸是亦臣之所以自礪而未  
能者也

送長蘆運使宗君序

今之仕秩卑而衆欲為者有之矣科道是也秩高而衆  
不欲為者有之矣運司是也秩高則曷為其不欲為也  
財利之場權勢蟠據動則關格且飛言醜語易為汙穢

積蠹宿尤非一人一日所能掃刷官雖尊而無臨蒞之  
分則令或不行且一居是官雖有善政當道者不復訾  
省衆之不欲為以是哉君子之所患患不稱乎使吾有  
不撓之節何懼乎權豪有不磷之操何畏乎汙穢有必  
為之志何憂乎積弊有安分之心何患乎權之輕官之  
不遷也不觀之耿清惠乎人以是沮公以是進是不在  
人乎此近事之效也烏在其不遷哉同年宗君廷威以  
進士為戶部郎中弘治八年三月出為滄洲長蘆運使

朝之士夫咸以為不宜唯君其亦有不自得者乎吾故以清惠之事告之雖然是官之重未必不自今始也

丙辰進士同年會序

弘治丙辰進士三百人首陳瀾殿唐欽南省有司所上之次也首朱希周殿童品臚傳恩榮之次也首童品殿王朝卿諸同年私會朝天宮以齒坐列之次也是科廷試以三月十五日既而傳臚錫宴釋奠咸如故事禮成洛陽劉東諗於衆曰前此得失不可知後此聚散不可

期盍及此以訂同年之交乎擇地得朝天宮之齋堂庭  
宇靚深諷日得四月之甲子天日清美禮儀夙戒惠然  
來集坐以東為上西向坐者若干人南北向者若干人  
離坐有罰喧譁有罰教坊奏樂少者以次行酒雍雍秩  
秩日暮乃退僉謂茲會之不可常也列名鋟梓將使世  
講之予謂同年之會自唐以來則有之劉禹錫之言曰  
古人以脩受學為同門友今人以脩升名為同年友禮  
重始進以四海九州之人而筮仕同則終身為同是故

同朝則加親同事則加密進則相援退則相拯宴會則  
相徵召得人焉一勝為之榮非人焉一勝為之耻自前  
世則然而未有非之者也然予聞之易曰同人於野亨  
又曰同人於宗吝則古人所謂同者其亦可知已諸君  
自是有服在官在內則同心匡輔在外則同心宣力在  
上則同心汲引在下則同心劖切不幸有事則同心以  
報國他日有得斯錄者將曰是科得人之盛如此是科  
主司之明如此是科同年不為苟同如此其不偉哉不

然進相援也退相拯也宴集相召也亦非所謂同矣予  
於諸君有一日之舊故以是告

送王都憲序

方今海內安然惟西北二邊時有犬吠之警昔人論匈奴  
不過漢一大縣夫以天下舉一縣勢若甚易而總總  
然猶未得高枕者非以吾邊備有未修乎邊備未修者  
三無財也無兵也無將也此世之所共患也而愚以為  
皆有之無足患者天水隴西其民驍鷙材武以恩結之

使自衛其室家墳墓則人樂於效用較之客兵勇怯百倍則兵未嘗無也洮河蘭鄯皆故漢郡所謂湟中浩亹土地肥美且耕且戰穫一鍾可省餽餉十鍾之費則財未嘗無也行伍之中或知勇過人累立戰功者不次用之行間之呂蒙胯下之韓信何世無之則將未嘗無也三者皆有之而不得用則有由矣權分於將多患生於掣肘兵固在也或從而脅削之則誰肯戰田固在也或從而牟斂之則誰肯耕將固在也或從而顛倒之才者

不用用者不必才功者不賞賞者不必功罪者不罰罰者不必罪則誰肯效死行邊大臣亦或慨然思欲整齊之而謗議且紛然以起前懲後戒莫之敢發於是視卒之困不能卹視田野之蕪不能闢視才之可用不能舉而不才者不能去也蓋其弊生於因成於積未有知其所由來者也非得文武長才剛毅不屈風采可畏愛者為之則其弊固未易猝改乎弘治九年同年王君邦鎮自大理少卿擢都察院副都御史巡撫延綏若君豈吾

所謂不屈而可畏愛者乎他日公邊利害以次罷行隱然為西北邊長城者非吾邦鎮也夫

贈王升之序

升之年十五舉鄉試高等以南昌張學士書贊見於予儼然立庭下朗潤淵穆予望而異之扣其學出經入傳陵詞隱義橫縱莫難為文下筆立就芒彩爛然然不出所謂舉業予迺開之以新義惶然若驚幡然若悔超然若悟故聞宿習火熾雪融疾契妙領刃迎頽脫年十九

遂登進士第上疏乞歸娶於鄉京師士大夫多作詩夸  
道之蓋今世之所榮者進士而人情所樂者新婚風詠  
東山雅歌韓奕桃夭東蘋屢形歌詠世比之大小登科  
焉然而每患其難兼也升之獨兼得之可謂難矣然升  
之嘗學聖賢之道世人之所夸予不為升之足也然則  
升之其亦求吾儒之所謂榮吾道之所謂樂可也予於  
升之有一日之長故以是贈

贈少傅徐公序

弘治十年少傅兼太子太傅禮部尚書謹身殿大學士  
徐公以年至乞致仕上曰朕方倚卿有為豈可言去寒  
暑風雨其免朝且召至文華殿有玉帶緋袍之賜於是  
中外皆知公有勇退急流之節皇上有體貌元老之誠  
君臣之間可謂兩得之也初公自吏部侍郎入內閣筦  
機務彌縫輔相十年間海內晏然近年災異或見旋復  
消滅北人雖或跳梁旋自遁去百揆時叙天人和同則  
公之相業其亦可知已國家有天下百三十年名臣稱

三楊至公始克續其美文貞之文文敏之識文定之操  
於公未知所先後而休休之量獨邁前人言不必出於  
已也惟其是用人不必其所知也惟其才且賢見人一  
藝汲汲然引用之不自知其賢也其好賢樂善不知古  
大臣何如耳立朝四十餘年不矜不撓人薰然望其容  
飲其和而莫測其量之所至所謂泰山喬嶽不見運動  
養天下和平之福培殖國家之元氣其功豈小哉七月  
庚申寔維初度凡門下士咸賦詩為壽予謂天將昌人

國家必錫之者艾之臣書曰天壽平格詩曰壽胥與試  
在唐有若李靖郭子儀裴度在宋有若富弼文彥博皆  
歷相累朝人視其去就為天下重輕若公非所謂其人  
乎天將培國家億萬年丕丕之基則公之壽其未艾也  
送洗馬梁君使交南序

昔在宣宗始命安南自為國而安南奉正朔益虔間歲  
則貢繼世則請國家威德及海內外自女直吐蕃于闐  
占城渤海暹羅爪哇三佛齊滿刺加蘇門答刺蘇祿彭

亨古里之屬莫不歲時入貢而朝鮮安南獨近且親號文而有禮故朝廷禮數視他國獨優弘治十一年安南遣陪臣來請封於是司經局洗馬梁君叔厚進兼翰林院侍講持節往賜之冊君以學行簡侍經筵又侍皇太子於文華講讀史館纂述會典皆輟以行弘治初董庶子尚矩使朝鮮劉侍讀景元使安南庶子嘗為予言入其疆王則袞冕出迎道左陪臣鵠立老稚填巷溢衢藝香陳樂設百戲于道階轉軒縣嵩呼拜舞及燕門廡殿

庭皆被地衣諸臣以次上食王輒離席為敬景元之言亦然其諸所謂有禮者乎昔天王使單襄公聘宋過陳侯不在疆膳宰不致餼司里不授館君子是以知陳之不終若二國乎世為外臣以藩屏國家于無窮也其亦宜矣君之行門下士相率來求予言書此為贈

贈陳希承序

所謂經與權者豈唯吾儒用之唯醫亦然儒而不知權則胡以濟事變醫而不知權則胡以收奇功希承為太

醫院判公尚之仲子妙得家學之傳弘治十一年夏京  
師痘疾盛行予徐氏甥甫周歲熱不二日而見苗衆謂  
難治希承數視之愈既而得泄衆謂痘後泄不可為也  
希承視之加數焉復愈家人失調泄復大作日夜數十  
行衆醫愕眙曰無可為者希承曰事急矣藥非附子不  
可一投少間再投旋止眎之又加數焉遂愈今世之所  
謂醫者率祖李明之氏朱彥脩氏其處劑率不出參术  
之類所謂醫之王道也信知本者也然病出於變非參

术輩所能效者則藥亦不得不變而或者不知變則坐以待亡變而失之毫釐則反以促焉者多矣是其敢輕用乎非見之的用之有法其能自信乎故曰可與立未可與權藥而能權可謂妙矣明之彥脩未嘗廢權也世醫師其常不師其變非用權之難乎況用之小兒哉其又難也今夫用入者必曰老成非為其經歷多聞見博思慮審乎希承年甫三十而出奇制變有老成所不敢而試之必效事果在於年哉信其得於家學者深矣抑

有不傳之妙者乎予方患世醫膠固襲常以失病機特  
為著之以傳而因以告夫醫國者

贈徐子容序

兩洞庭山並峙太湖中謬稱東貴而西富蓋自國初迄  
今高科顯仕皆東之出西無聞焉西之人未嘗不學也  
非無才且秀也於是人皆曰其地則為之倡一和萬以  
為是固無疑者父兄以是絕其子弟不復使學子弟以  
是絕其身不復學有徐氏以同者山之世家獨不然其

子縉依予學者五年矣其質秀而文可與進者也始予開以讀書之法而惶然繼予授以修詞之法而悚然而豁然而沛然縉非昔日之縉矣戊午順天解試名在高等人皆曰西山之天荒至是破矣夫昔之荒矣果天乎人耶今之破也果天乎人耶事難在先蜀之陋也相如先之閩之陋也歐陽詹先之遂各以文顯兩洞庭並峙競秀西特寬衍有山泉禽魚之樂橘苞竹箭之饒金庭玉柱為東南福地扶輿蜿蟺闕於古始發於今其發也

必大獨一第也乎哉其亦自一第者始也天下有大荒  
焉非科第之謂也其不獲久矣漢有仲舒焉始一破唐  
有退之焉始一破宋有濂溪諸公焉又一破餘未之覩  
也予有意乎升堂拜親北轍言邁無或遲遲而來也

送劉祭酒之南京序

予取友於翰林得二人焉其一人曰故諭德劉先生景  
元其為人也剛介峻整人有善能揚之有不善能斥之  
其自守也潔然不可以非義犯者也其一人曰今南京

祭酒劉先生道亨其為人也剛正博大人有善能取之  
有不善能規之其自守也潔然不可以非義犯者也二  
人者其設心制行人知之予知之特深富貴在前一言  
之訛可以取二人者寧不取也貧賤在後一言之訛可  
以免二人者寧不免也二人者其地同其官同其性行  
又同故時稱兩劉先生予於是得而友之儼乎其若有所  
畏也藹乎其若有得也其為益蓋多矣昔江右號多人  
才其節操有若錢文肅公有若劉文介公有若李文毅

公二人者其猶有前輩之風乎雖當道者亦云然終不用也故景元止一諭德而先生有南歸之行雖然天之生斯民必使治之教之治之者宰相也教之者祭酒也其亦尊矣孟子所謂得天下之英才而教育之其亦足樂乎若是南北奚擇焉先生之行工部侍郎彭公請予言為贈若先生者雖無請焉予固將與之況重以工部之請乎固不得而默也

送修撰劉君歸省序

國家簡文學之士聚之翰林朝之百職小大承序日不暇給而翰林獨若無事焉百職者掄材計考或不次拔居通顯而翰林獨漠然其若不任也固將有大者遠者焉其以任之也將任以大者焉而安得不優之以閒將任以遠焉者而安得不須之以久故士居其閒無羨乎其要安其久無羨乎其速其殆有所養也養之者非曰養其尊重焉耳又非曰修其詞藻焉耳養其器充然其有容也養其操潔然其不縕也養其識粹然其足以辨


也三者君子之所以養也一旦而授之大者遠者焉則無不任也是國家之意也劉君仁仲少發解四川第一廷試為天下第二授翰林編修進修撰旋侍經筵歲之初吉歸省於蜀蜀之同官於朝者乞予言為贈君予所知文學之邃德器之醇而退然其若不足也其有所養者也所謂遠者大者而授之焉其有日矣將無不勝也予固無能者行以告焉庶偕進是道也

送福建按察副使劉君序

國家學校之設徧天下且百三十年而人才風俗未能復古豈學校之設固無益於世耶抑有教之具教之實未盡如古耶無亦董學政者未盡得人耶甚哉其職之難居也是故非才識之老成則莫宜非文學之深醇則莫宜非踐履之方正則莫宜弘治戊午劉君文煥自監察御史擢福建按察副使董學政文煥家學邃於春秋以進士入翰林讀中秘書為御史出按滇南暨吳中不事苛察而嚴時號得體夫今日之任有憲體焉則猶御

史也有學政焉則猶翰林也文煥前於二者既優為之  
於今其有弗宜乎然吾聞閩之地闢自漢至唐有常袞  
者倡之則文章始盛宋有楊時者倡之則道學始盛然  
則事不在於倡乎予不知今之閩其尚猶昔耶抑有異  
於昔者乎亦在君倡之而已則國家學校之設將必獲  
效於此矣

震澤集卷十一



總校官庶吉士臣張能照

校對官庶吉士臣陳崇本

謄錄監生臣楊邦彥

謄錄監生臣蕭肇鶴

欽定四庫全書會要

集部

震澤集卷十四

二至四



詳校官候補通政司經歷臣郭祚熾

欽定四庫全書會要卷一萬六千八百二十八

集部

震澤集卷十二

明 王鏊 撰

贈御史王君序

中外之官最榮且近者莫如御史而職之難稱亦莫如  
御史其於今蓋尤難也夫內焉有獻納之責將必匡之  
不然則隨外焉有按行之典將必糾之不然則隳而事

有不能盡如吾意者吾又安敢泛然以責人乎是其為難也久矣有人焉不期利鈍成敗奮然自信快於一舉中外屬目駭聽是果有益於國家乎有益於生民乎則信美矣信高矣不然則亦激而已矣激非道之中也無隨也無隙也無激也是其為難也久矣王君和初以進士知館陶金壇及為御史出巡雪冤起滯弼違達隱中外稱之及持憲於廷尤號明慎知大體無隨也無隙也無激也其斯以為稱乎充君之志積而上之其至於高

爵也無難矣無隨也無隙也無激也其勿渝今日之所  
守乎

送翁希曾知浮梁序

浮梁於江西為大縣縣大夫職親民境內張弛行罷皆  
得專之凡進士作縣上官殊禮示優政成名入為御史  
達官往往有之若是焉其猶不能無介然者予請為君  
說之夫縣之難為非直今之世也今之世為甚此固未  
易言也獨今世所重者進士自一甲外銓部隨闕注選

二甲內主事外州牧三甲內評事行人博士外縣令皆據一時名氏後先為差而給事御史則簡拔用之其簡拔非必盡以行義文學知識也獨察之願言之間其所謂先後亦無大異今日之所謂先則前日所謂後也今日之所謂後則他日所謂先也近例出使還者又以名氏苟近為定苟近內焉則內外焉則外內焉者號為京職秩崇務簡循月日可坐至方面其州若縣雖政績卓然異等然且必五六七年七八年然後及乎其初授矣其

政聲不甚著聞者不得預著聞而不善事上官者不得  
預所謂京職者或蒞其境州若縣則郊迎庭參虔若弟  
子之事師甚者又從而刻繅之屈辱之其初蓋皆進士  
也其亦何能無介然者耶噫灑固然耶奚久而不更也  
然吾聞官無尊卑得行其學而無愧焉為達今世仕而  
達不得行其志者多矣乃若得一縣焉為之仆者植亂  
者理蒙者化鰥寡廢疾者有養獨得無愧乎其職也所  
學亦無負矣是達也奚挈挈於內外之間耶

贈伍方伯序

方今天下所最急者安在哉當寧之所旁求大臣之所論薦罔不在于人才然欲治兵則患無人欲理財則患無人欲美教化興禮樂則患無人甚者咨嗟嘆息以為天若不生才於今之世而予以為有之矣顧獨未得用之也自古衰亂之世四分五裂之國猶未嘗乏才今天下全盛列聖涵養百二十年故予以為有之矣夫有之而不知與無同也知之而不用與無同也用之而不當

其分不盡其才與無同也當今之所謂無者無乃是之謂乎予於廣西方伯伍公之事益知天下之才有遺焉固亦多矣公初以進士自刑部副郎至廣西布政使方在刑部一時疑獄皆歸焉凡經公手訊鞫者自以不冤其在廣東事有不能處者必公處則無遺憾盜賊解散妖怪滅熄學校橋梁倉廩百廢具新而民不以為勞若此可不謂才乎在內內治在外外治非才能之乎然在內則以一眚出在外又復遂其恬退而放于林下蓋十

有五年矣以公推之天下無乃復有若此者乎方治明堂總章梗楠豫章礧砢之材橫弃道路顧而曰才難才難其信然乎吾不能無感於是也公之子朝信出守寧波便道過家故予具書之俾持歸為壽而併識所感以為當路者謗焉

孫可之集序

凡為文必有灋揚子云斷木為棊椀革為鞠亦皆有法焉況文乎哉近世文章家要以昌黎公為聖其法所從

授蓋未有知其所始者意其自得之於經而得之鄒孟氏尤深同時自柳州外鮮克知者昌黎授之皇甫持正持正授之來無擇無擇授之可之故可之每自詫得吏部為文真訣可之卒其法中絕其後歐蘇崛起百年之後各以所長振動一世其天才卓絕顧於是又有若未暇數數然者而亦多融合焉其時臨川荆公得之獨深考其儲思注詞無一弗合顧視韓差狹耳而後之為文者隨其成心無所師承予竊病之少讀唐文粹得持正可

之文則往返三復惜不得其全觀之後獲內閣秘本手  
錄以歸自謂古人立言之旨始有絲髮之見且欲痛刻  
舊習澡濯新思而齒髮向衰才思凋落欲進復卻不能  
追古作者以足平生之志讀二子書未嘗不撫卷太息  
喜其逢而惜其晚也遂梓刻以傳庶昌黎公不傳之秘  
或有因是而得者

### 古单方序

予讀大觀本草見漢晉以來神醫名方往往具在間取

試之應手而驗乃知藥忌羣隊信單方之為神也而世不及見窮鄉下邑獨以海上方為良不知古方固猶在乎而散見襍出倉卒之際未易討尋予在翰林日多暇手自抄寫為一編對病檢方較若畫一不敢自秘因梓刻以傳於乎羣隊之忌非獨醫藥也用人用兵蓋莫不然有能得是方而治之其可已少瘳乎

### 壯節錄後序

弘治庚申四月詔作廟於香山之陽以祀故崇安侯譚

公諱淵滁人也從太宗文皇帝靖難先登陷陣勇冠諸將夾河大戰馳敵師死之太宗即位贈奉天靖難推誠宣力盛臣特進榮祿大夫柱國追封崇安侯謚壯節其葬在都城西五十里香山之原百有餘年矣級夷垣侈響祀不肯至是始命有司歲以春秋具少牢享詞曰順天府某官某欽奉朝命致祭其嚴如是其孫今少傅兼太子太傅新寧伯祐祇承恩命增蒔松柏立碑表又得縉紳大夫歌詩若干篇鋟梓以示其後屬予序予嘗

讀國史見公之從克祁縣也與壯士伏水中伺敵師過  
即起據橋遂擒其將楊某潘某又與長興侯耿炳文戰  
於真定敗之又敗曹國公李景隆之師於鄭村壩連破  
其營又戰於白溝河敗都指揮平安之師又累與景隆  
戰屢敗之功亦偉矣夾河之戰死亦壯矣當太宗之起  
佐命皆一時之儕有若榮國張公金鄉侯王公及公尤  
所謂傑然者而榮國死東昌金鄉死淝河三人者其功  
同其死節又同及洪熙初二人皆加封進謚配享太廟

而公不預焉蓋有司之失也至今以為缺典書曰茲予  
大享於先王爾祖其從與享之公之功如是其死節又  
卓卓如是固宜預於是而不及此議者所以追悼而太  
息焉者也漢白馬之盟淮陰不預雲臺之像新息見遺  
公亦何恨焉然去之百年乃能特軫宸衷廟貌聿新禋  
祀有加公之功雖少抑於前而亦大伸於今日矣公其  
可以無憾唯公後人世服忠義立膚公以報國家吾見  
封爵之傳將永永無極亦安知不復有進於是者乎

贈知六安州馬大夫序

上之十五年以鈞陽馬公為吏部尚書其子某嘗知六安州即上疏乞致仕以去於是朝之士皆曰若冢宰可謂公矣不私於其子大夫可謂恬退矣不以私望其親人或曰公為國家元老以天下之重為已任而進退人才冢宰職也蓋自卿大夫下至委吏乘田有非人焉冢宰恥之果才且賢乎進之進之雖其仇可也親可也果非才且賢乎擯之擯之雖其仇可也親可也蓋唯知報

國焉耳而毀譽得失有不知得人焉爾而遠邇親疎有  
不問是大臣之義也大夫之治行何如哉舉子之事古  
有之矣謝安舉其姪玄曹彬舉其子璋此非所謂公無  
私者乎公獨曷為遺之雖然公之志吾能言之公遭際  
聖明位冢宰日思董正百工而士風未盡淳其寡廉鮮  
恥奔競以求進者未盡無也唯思得廉靖恬退之人以  
率之率之之道當自身始而不得去則所以率之唯當  
自子始庶四方之士聞之有難進易退之人士風或少

變乎此公之志而大夫善承之也予日從公後知公之意為淡故以為大夫贈且以告夫有位者

送南京吏部尚書林先生序

三山林先生初在翰林鑿猶及與之同事及為國子祭酒又與之同在經筵今自吏侍擢冢宰之南京鑿實繼踐其任鑿自視於先生無能為役何幸事與之同而今茲南北乖隔又何不幸不得終與之同也國家兩京諸司並建勢均體敵又安有輕重而地則有遠近是故才

者宜近賢者宜近老成者宜近世非無才也才者恒放而少檢故才難非無賢也賢者多泥而於事情濶焉故賢難老成者有之矣熟於世故閑於事體或持重而觀望故老成難況三者兼焉可多得乎得之可不重耶先生立朝三十餘年平居言動抑畏若無能焉臨大事勇敢不可回其豈有所縱者乎其豈有所泥而觀望者乎今諸賢在朝若先生者宜在左右而聽其遠去何也予不能無望焉詩云仲山甫徂齊式遄其歸韓子云無疾其

驅天子有詔

式齋稿序

始吾蘇之官于京者最名多文學之士其在崑山則有若翰林修撰張君亨父太常少卿兼翰林侍讀陸君鼎彝浙江左叅政陸君文量三人皆能文而尤工於詩亨父頗以才自喜其詩翩翩如濁世佳公子奇氣溢出最為時所膾炙鼎彝志尤高不肯苟出出必奇奧簡古讀之或不能句商盤周鼎識者賞之而世好之差少文量不

為險峻奇怪意盡則正如行雲流水自中法律亨父鼎彝  
皆官翰林丈量獨官兵部頗以政妨世知之益少而三  
人最號相得杯酒倡酬無集不偕意氣所至不知古人  
何如耳久之亨父卒鼎彝以病告歸亦卒丈量出參淲  
藩罹讒口歸林下挾所有不一試又遭屈抑以去意不  
能無少望疽發背亦卒嗟乎予未耄老三人者乃及見  
其盛衰顧其著述有終不可湮沒而鼎彝之集不少概  
見亨父有滄洲集十不及二三已未春予乞告歸省舟

且發丈量之子伸哀其父之遺稿為六表作書且萬言  
貽予予閱之則平生倡和之作咸在又得其文讀之多  
予所未見者敷腴鬯達如其詩而奏議尤有經世之志  
焉亦其所以見嫉於時者乃知前謂君特工於詩亦未  
為知君者也予與君交且二十年于其文猶未盡知又  
況淡於文者乎予方悲君之不幸遽喜伸之能子也於  
父之書無少散佚故序伸早占應天鄉試篤志古學人  
謂陸氏有子於乎君可以少慰矣

## 上海志序

盧龍郭君經為上海之三年百廢具興而誌書獨缺久之曰唐進士絅邑人也而文盍屬諸絅乃為稽故籍詢遺老搜隱摭遐彰善黜衰彙次得八卷予嘉郭君之知所先也唐君之善志也推其意序之今天下大郡稱蘇松松之屬邑二曰華亭曰上海上海故華亭之東維耳至元割為縣土壤始分非獨人之為也天之分野地之形勢民之習俗亦若有殊焉況其沿革有可言者不可

不誌也故首之以疆域疆域之中其大者有二峙為山流為川松之勝有九峯三泖而在上海山則有若簎福川有若青龍黃浦而大海在其東斯觀之大者也故次之以山川有土斯有貢松一郡耳歲賦京師至三十萬其在上海至十六萬有奇重以土產之饒海錯之異木綿文綾衣被天下可謂富矣故次之以田賦事有若緩而急者祭祀是也祠廟壇壝載在祀典或祀典不及有其舉之亦不廢也故次之以祠祀若夫學校以造士也公

署以聽斷也津梁堰埭以通利樓臺亭榭以觀遊也亦不可廢故次之以建設又次之以古蹟設官分職所以為民官上海者自元迄今其政往往有可書而亦不能盡書其不書者非故遺之也亦勸戒存焉故次之以官守國無小有人焉則重上海僻在海隅而名獨聞非財賦之謂也賢才輩興實華斯邑故以人品終焉

### 小學集註大全序

小學集註大全凡十卷集解作於海虞吳公訥正誤作

於吳郡陳公祚增註作於天台陳公選蓋古小學之教  
後世不及睹矣而其書復亡子朱子采摭曲禮少儀內  
則弟子職及諸子史類輯為書授童蒙讀之庶存小學  
之教而其間多先秦之文其詞古其義深且奧學者讀  
之至不能句況鄉村學究乎蓋往往病焉吳公字詁章  
釋初學甚有賴而其間亦或不能無誤且亦有未備者  
故又不能無待於兩陳必合三君子之作而後小學之  
義明且備若子朱子可謂有功於後學三君子可謂有

功於朱子也訥字敏德少上書代父罪力學尚義名聞江東仁廟監國命教功臣子弟仕至南京左副都御史時稱敬慎廉直有前賢之風祚字永錫初以河南參議言事謫均州起為監察御史言益激切繫詔獄五年乃出出復論藩府不法械至京幾死其剛直之氣百挫不折近古之遺直仕至福建僉事選字士賢以御史抗疏言事直聲動中外董南畿學政以身為教動則古人仕至廣東布政使為奸臣誣去若三君子可謂無負於小

學矣不獨其言也故著之使初學者知所嚮往

### 姑蘇志序

姑蘇志六十卷紀載郡之封域山川戶口物產人才風俗以至城池廨宇井邑先賢之遺迹下至佛老之廬皆次焉姑蘇東南大郡其風土亦已畧見於禹貢周職方爾雅諸書其後如子貢之越絕趙曄之春秋張勃陸廣微之記錄羅處約朱文長之圖經龔明之輩紀聞紀事則備矣彙而成書則有范成大盧熊二志由今而觀范

志峻而整盧志詳而贍而其間亦不能無得失焉者況國家百三十年人物文章制度因革損益尚皆缺焉識者病之成化間番陽丘侯霽守蘇有志修述時則有若劉叅政昌李中舍應禎陳訓導頤各應聘修纂會丘罷去遂已弘治中河南史侯簡曹侯鳳又皆繼為之時則有若張僉事習都進士穆而裁決於吳文定公寬久之二侯相繼去文定不祿書竟不就然文定之倦倦是書也雖病在告未嘗釋手淡墨細書積滿箱案廣東林侯

世遠之守蘇也宿弊盡剗文事聿興一日抱文定遺藁  
屬予曰敢以溷子予謝非其人侯曰文定之志不可以  
不就也予不得辭侯乃延聘文學得同志者七人相與  
討論蒐輯合盧范二志參以諸家裨以近事閱八月而  
成發凡舉例一依文定之舊蒐亡闡隱芟繁訂謬則諸  
君子之功居多予何能焉其亦會其要校其成者也獨  
念是志之續歷三十餘年更六七郡守而卒成于侯予  
乃適值其時獲玷名其間惜予學殖荒落於吳事尤多

惜焉又以超名事嚴不及磨礪佔畢以足私心之所志  
以副林侯之望此予之所自愧而嗟也續而正之能無  
望於后之君子乎姑蘇山名在城西南昔以名郡故今  
以名其志

送太子太保兵部尚書劉公致仕序

上之元年兵部尚書華容劉公以年至乞致仕鑿言於  
公曰公於禮可以去於義未可以去君臣不相接久矣  
先帝晚年益明習國家事屢御便殿延訪大臣而尤喜

見公一時所言天下傳以為盛事蓋近世君臣所未見  
今龍馭上賓意在天之神猶不能無惓惓於公也而可  
去乎今上春秋鼎盛亦唯三四老成者艾置在左右況  
今事勢未能無可憂天之災異未盡滅息民之凋瘵未  
盡甦惰兵驕將未盡蒐練邊鄙未盡妥府庫未盡充此  
皆公受知先帝而當報之今上者也而可去乎惟上亦  
重之賢憫勞以煩加太子太保家居不絕其祿觀公所  
以自處上之所以處公何其盛也而自朝著以至閭巷咸

齋嘆嘆息以為不當聽其去區區之愚亦不能不重為天下惜也公行有日公卿大夫傾朝出餞於是相與賦詩為別所以嘆其賢侈其逢惜其去而不能不望其復來也詩凡若干首

會試錄序 戊辰

正德戊辰二月會試天下士於時知貢舉則禮部尚書臣機侍郎臣潔考試則大學士臣鑒學士臣儲同考試則修撰臣海編修臣一鵬臣俊臣仁和臣時臣霄臣塘

臣銑臣若水都給事中臣承裕給事中臣潮署郎中事  
員外郎臣庭樞主事臣子熙臣中道監試則御史臣鑑  
臣玉天下士抱藝就試者三千八百八十餘人三試之  
遵制詔預選者凡三百五十人刻其文之粹者以傳凡  
二十篇名之曰會試錄臣鳌謹序其首曰惟天生民不  
能自治故立之君君者所以代天為治君有萬國不能  
獨理故任之臣臣者所以代君分治而皆以為民也國  
朝取士率三歲一舉非曰遵行故事焉耳固必望得真

才焉授之職以教寧乎斯民士之日夜淬礪學成求試  
非曰苟慕榮祿焉耳固亦望及盛時焉抒所學以康濟  
乎斯世是士之志也有志焉而不獲伸蓋多有之皇上  
出震當陽聿新庶政茲唯龍飛取士之始諸士乃幸於  
是見錄且將服在庶僚平日所學不於是而施之乎則  
失時矣故於今日以事君之道為諸士告蓋事君之道  
先其實而後其名怯於利而勇於義所謂先其實者位  
有崇卑居之必求無忝乎其職事有難易行之必求無

負乎其心所謂後其名者時然後言取其當而已矣  
非務以為奇當官而行行取其方而已矣非苟以為異  
所謂怯於利者所當得歟則寡取之無以盈溢踰其分  
非當得歟則峻絕之無以閭昧傷其潔所謂勇於義者  
見義惟允立志斯定勿以毀譽得失夷險二其心渝其  
操是事君之道也古之碩輔名賢厥所樹立罔不由是  
諸士平日之所學將非是之務乎鑿不佞獲預掄材之  
任科之得人與否預有功罪焉故以是告

震澤集卷十二

欽定四庫全書  
薈要卷一萬六千八百二十九

集部

震澤集卷十三

明 王鏊 撰

序

匏菴家藏集序

文章不難於奇麗難於醇難於典則雖然醇與則可能也  
醇而不俚則而能暢殆有非力所至而至者焉其必由養  
乎是難能也故禮部尚書兼翰林院學士文定吳公官

禁近前後三十餘年文章傳播中外公既卒其子中書舍人奭刻其所謂家藏集者授予請序予嘗竊評公之文矣擺脫尖新力追古作豐之千言不見其有餘約之數語不見其不足為詩興寄間遠不為浮豔之語用事精切不見斧鑿之痕自謂得公之深也茲復何言乎獨念公生頗好蘇學其於長公每若數數然者及其自著乃獨異焉紓餘有歐之態老成有韓之格信其學力之至自得者深乎其所養可知已明興作者代起獨楊文

貞公為第一為其醇且則也公之文視文貞吾未知所  
先後使獲當路於時其功業豈少哉議者至今惜焉而  
公所以自託於不朽者固自有在又何待於彼者與予  
獲從公久每以道義相劘切其於序有不得辭公所著  
自當信今傳後云家藏者謙也詩諸體凡三十卷序記  
碑銘雜著四十卷

贈南京兵部尚書林公復官序

昔之識者常以一人之進退占天下之治忽方逆瑾柄

朝濁亂海內泉山公以直道不容去及逆瑾伏法公道大明泉山公以論薦復舊銜然則公之進退非可以占吾道之隆替乎公子利瞻來守吳郡郡之士夫皆作歌詩為公賀予以為公今日之進固可賀不若前日之退可賀尤大何也方瑾勢盛士之頑頗無恥者或望塵乞哀或媚竈祈進或脂韋其間以求容甚者藉其勢以中傷善類揚揚自以為得也不三四年則誅則殛則流則削向之赫奕者今皆安在而公之官則已復矣然則貪

榮嗜進者將以何為而作奸害正者亦復何益公獨先  
事去之瑾不得而榮辱也故曰可賀尤大夫君子之自  
守一於義一於義進亦榮退亦榮退而榮者何也中無  
所媿焉耳小人則不然進亦辱退亦辱進而辱者何也  
中有所媿焉耳公於進退之間色無慍喜而吳人必欲  
一賀者賀吾道之泰也予與公同在翰林有同官之雅  
在吏部有交承之分于今郡公又有邦人之義又安能  
無言耶

# 蘇郡學志序

國家學校之設偏於海隅而蘇學獨名天下於是吾友蔡君惟中始為之誌惟中之言曰蘇學初自宋景祐魏國文正范公割地為之而安定胡先生實為之師今去二公五百餘年高風遺烈猶一日也且其地故為吳越廣陵王元璫之南園特幽且勝由今觀之大成之殿明倫之堂尊經之閣高壯巨麗固已雄視他郡其間方池旋浸突阜錯峙幽亭曲榭穹碑古刻原隰鱗次松檜森

鬱又他郡所無也況自宋以來科第往往取先天天下名  
臣碩輔亦多發蹟于斯則其盛豈獨地哉夫物盛則必  
傳盛而不傳蓋有之矣則以無紀籍故也昔四代之學  
見于戴紀魯之泮水詠於詩蜀之學官紀於史今吾學  
之盛於四代雖未敢望於魯於蜀豈遽出其下哉而紀  
籍缺闕昂誠不佞少遊於茲窮搜細勘得其顛末彙為  
四卷間以示予予蓋與君同游于學者也嘉其志之勤  
且郡之文獻有足徵者故為序諸首惟繼是而司教有

若安定者人才之出有若文正者吾且老矣尚當嗣君書之

重刊左傳詳節序

春秋左傳詳節三十五卷宋魯齋朱申周翰注釋今董南畿學政黃侍御希武翻刻以示後學者也侍御以近世學者莫不為文而未知文之有法故刻示之予叙之曰文非道之所貴也而聖賢有不廢故冉牛閔子顏淵善言德行子夏子游以文學名孔子亦曰言之無文行

而不遠而善鄭國之為詞命也則文豈可少哉學者不為文則已如為文而無法法而不取諸古殆未可也左氏疏春秋於聖人之旨未盡得也而載二百四十二年列國諸侯征伐會盟朝聘宴饗名卿大夫往來詞命則具焉其文蓋爛然矣於時若臧僖伯哀伯晏子子產叔向叔孫豹之流尤所謂能言而可法者下是雖疆場之臣亦善言焉有若展喜呂飴甥賓媚人解揚奮揚蹶由方伎之賤亦善言焉有若史蘇梓慎裨竈蔡墨醫和緩祝

鮑師曠夷裔之遠亦善言焉有若鄭子支駒季札齊子  
沈無戌遂啟疆閨門之懿亦善言焉有若鄧曼穆姜定  
姜僖負羈之妻叔向之母於戲其猶有先王之風乎其  
詞婉而暢直而不肆渢而不晦鍊而不煩繩削有若剝  
焉而非贅也若遺焉而非欠也後之以文名家者孰能  
遺之而為史者尤多法焉嘗竊論之遷得其奇固得其  
雅韓得其富歐得其婉而皆赫然名于後世則左氏之  
於文可知也已而世每病其誣蓋神怪妖祥夢卜讖兆

誠有類於誣者其亦沿舊史之失乎雖然古今不相及  
又安知其果盡無也然予以獲麟而後文頗不類若非  
左氏之筆焉豈後人續之邪未可知也若是者今多從  
削蓋幾于醇且粹矣學者因是而求之為文之法盡在  
是矣若夫究聖人筆削之旨以寓一王之法自當求其  
全以進於經

### 瓜涇集序

瓜涇集者集通議大夫都察院右副都御史長洲徐公

之文也公與予同年進士而齒先於予時同年三百人  
予獨善公且相約為古文詞志甚銳務追古作者為徒  
相與廁切倡和往來然公詞出予每詘焉自以為弗及  
也未幾公以水部分司山東之寧陽地僻務簡益肆力  
於學及官武選時吳文定公在翰林吳中名士皆集倡  
和益富而公出補外藩于淛于嶺南于湖襄最後以御  
史中丞巡撫齊魯所至不厭以政事稱而尤以文學著  
聞蓋著述滋富矣然予自是與公闊焉久不聞問弘治

末公上疏謝政事予亦旋自內閣告歸迺復聚首吳中追思往時之會蓋三十餘年矣當時社友幾其存者其存而復會於茲獨公與予也亦且老矣寧復往時意氣之盛然公遇事感觸必有作作必以示予顧予學殖荒落不能復一一追和與之上下其議論也而以為恨近世士爭治文詞以干科第既得第則遂棄去如弁髦蓋以時之進退升黜不在是焉耳公雖老矣而好學不倦彌篤其出於天性者哉固宜其所得之深且邃也而何

可使其無傳焉故公之門下士與弟季止裒類其詩若文得若干卷刻之而予為之序公名源字仲山瓜涇其所家處也

贈謝封君序

昔元自沙漠入有中夏一時義士多不願為之臣若文山疊山二公精忠大節百挫不回尤炳耀於兩間予少讀二公集偉其詞壯其節思識其子孫然自元百年間於謝歎未有見焉頗聞謝之先家弋陽深山長谷風氣

完固有山泉禽魚之樂橘苞竹箭之饒自是而不願乎  
外邪將猶抱前人之志義不帝秦者邪明興百餘年至  
今封君始欲自試於時然七舉不第晚判桂陽仕亦不  
達子琛始擢甲科拜監察御史卓然能舉其職於是桂  
陽進封監察御史琛旋進淛江副按察使持節吳中水  
利諸軍事謝氏至是始顯矣大凡物之晦也久其發也  
必光木悴於秋華於春水涸於冬溢於夏謝自晉太傅  
獻武康樂高標雅韻輝映江左涉五季而晦至宋則又

顯涉元而晦至我朝則又顯出處之際蓋合矣封君始判桂陽寔有遺愛於民憲副來蒞南服勤於吏事而庶政具修嚴於風裁而貪猾歛避傳云公侯之子孫必復其始吾見謝氏之光昭前人又將自今始矣

重刊唐六典序

昔在孝宗詔修會典臣鑒與有職競焉竊伏自念蒐一代之制著之簡冊以為後法固非謗薄之所堪任思得古之作者師焉庶體裁有則而本末不紊三代之制莫

盛於周周禮聖人作也未敢遽議周之後莫善於唐唐  
有六典竊不自揆或可追而倣之而世無刻本間於中  
秘得其書伏讀玩繹手錄以歸而議中格亦會遷官以  
去乃藏之篋笥攷於今殆無所用之湖江按察使潼川  
席君同文不知何自得之而意獸嘉焉捐俸命工刻之  
蘇郡未竟陞任去繼其任者為嘉魚李君立卿實成之  
且以序屬鳌曰六典自公而傳非公則誰序者鳌曰國  
家官制則象周官於唐制固若未暇而亦未嘗遺之蓋

唐以中書門下尚書三省參領天下之務今六部雖分  
顧猶尚書省之舊而內閣則隱然中書通政給事則門  
下之遺也其餘寺監府院以分衆職品爵勲階以叙羣  
材尚多唐舊則居其官攷其職謂無所用於今可乎且  
非歟唐也唐虞而下損益沿革咸具焉昔宋祁論唐制  
精密簡要曾輩謂六典得建官制理之方文不煩而實  
備蓋開元中張九齡輩為之其書何可以不傳則未知  
後有作者亦將有取於斯乎而二君子惓惓翻刻意亦

有在於斯乎

游名山記引

吾少也有四方之志思欲如司馬子長縱游天下以大吾觀父官侍從地近職親雖燕南諸山未獲數至焉今茲告歸謂可如志而耄及之雖吳中諸山未及徧游焉靜言思之蓋未嘗不以為嘆古敬乃能以使事聘四方既月終南之顛過首陽挹夷齊之高風登華山弔希夷蛻函登嵩山憇少林寺濯驪山溫泉入玉屋扣司馬子

徵之扁三門砥柱龍門伊闕皆極天下壯觀近如兩京  
畿甸諸山皆遐探邃討搜奇抉怪而又能以文字發之  
讀名山記雖不識其地若身至其地者可謂善游而能  
言者矣然吾與玄敬約如天之福假我以年方與予  
北游長江艤盧山瀑布浮沅湘上岳陽樓望衡岳窺瞿  
塘三峽歷劍閣岷峨入關中覽秦漢故都還登泰山慨  
想七十二君之遺封南出武林艤湖江潮上會稽探禹  
穴停于陵釣臺歷天台雁宕至武夷欵羅浮上韶石望

蒼梧九疑而還子肯從吾游乎雖然太湖有山焉是為  
洞天福地願子先之

春秋詞命引

予讀左傳愛其文而尤愛其詞命當春秋時諸侯大夫

朝聘宴饗征伐會盟類以微言相感觸其詞命往來亦

皆婉而切

若魯羽父請薛侯晉陰餘甥對秦穆公知罇對楚共王

簡而莊

若臧文仲對王

使周景王責

若鄭人告楚將服于晉子產對

晉人爭閩田

翼而直若晉問入陳對士文伯壞垣游吉

使對楚雖或發于感憤然猶壯而不激

若晉狐突對懷公解揚對楚子大叔

儀對衛

屈而不撓

若展喜對齊侯吳蹠由對楚子齊國佐對晉

文焉遁而飾

若王子伯駢告晉王子

晉韓簡請戰偽而恭若鮑叔告

伯州犁對鄭子羽誣而近正

若晉呂相絕秦

魯請管仲於戲何其

善於詞也其猶有先王之遺風乎予生謇訥甚思所以

變其氣質而無由因舊萃其詞而日諷焉庶有益乎孔

子曰不學詩無以言讀此編者亦可以有言矣